


Cumegn Albula/Alvra



Revisiun parziala

Regulativ davart igl provedimaint d'ava digl cumegn Albula/Alvra (Regulativ digl provedimaint d'ava; RPA/WvV)

**Approvo dalla suprastanza communal igls 16.05.2017
e mess an vigour per igl 01.01.2018**

**Revisiun parziala approvada dalla suprastanza
communal igls 4 da december 2018**

**Revisiun parziala approvada dalla suprastanza
communal igls 19 d'otgover 2021**

Regulativ davart digl provedimaint d'ava digl cumegn Albula/Alvra (Regulativ digl provedimaint d'ava RPA/WvV);

Sa basond agl art. 39 dalla lescha digl provedimaint d'ava (LPA/WvG) ò la suprastanza communal decidia:

I. Cumpetenzas

Art. 1 Suprastanza communal

¹ Alla suprastanza communal è surdadas an spezial las suandontas incumbensas:

- a. decider pertutgont surpiglier u eriger ulteriours implants tgi figureschan betg aint igl plan general d'avertura inclus reglar igls costs (art. 2 alinea 4 LPA/WvG);
- b. approvar cunvignientschas per taxas d'ava extraordinarias (art. 12 alinea 3 LPA/WvG);
- c. lubeir provedimaints d'ava privats (art. 5 alinea 1 LPA/WvG);
- d. conceder ena lubientscha per attatgs commercial ed industrial cun en grond consum d'ava (art. 12 alinea 2 LPA/WvG);
- e. restranscher la cunsigna d'ava per cass da stgertezza (art. 17 alinea 3 LPA/WvG);
- f. ordinar execuziuns d'uffezi davart ramplazzamaints perveia d'execuziuns da lavours manglousas u lavours da mantignamaint tralashedas (art. 8 alinea 2 scu er art. 19 alinea 4 (LPA/WvG).

² La suprastanza communal pò delegar incumbensas e cumpetenzas.

Art. 2 Menaschi tecnic

Igl menaschi tecnic digl cumegn è responsabel pigl mantignamaint, igl menaschi e la survegliaziun digls implants pigl provedimaint d'ava. Chegl cuntigna an spezial:

- a. manar e survegljar igls implants pigl provedimaint d'ava conform alla siertad da qualidad (SQ/QS) (art. 2 LPA/WvG);
- b. destinar igl li (art. 6 LPA/WvG) scu er l'execuziun tecnica digls attatgs d'ava, schinavant tgi chegl na vign betg fixo aint igl rom dalla procedura dalla lubientscha da biagier (art. 7 LPA/WvG);
- c. conceder la lubientscha d'attatgs provisorics (art. 14 alinea 1 LPA/WvG);
- d. verifitgier igls attatgs, schinavant tgi ena persunga spezialisada n'è betg neida incumbensada persiva (art. 8 LPA/WvG);
- e. ordinar maseiras immediatas per cass urgents temporars resp. per cass d'urgenza da fi u rottadeiras da lengias d'ava.

II. Siertad da qualidad

Art. 3 Infurmaziun davart la qualidad dall'ava

Davart dalla qualidad dall'ava vign infurmo eneda ad onn sen la pagina d'internet digl cumegn.

III. Tariffas da taxas

Art. 4 Taxas d'ava (art. 30 e 31 LPA/WvG)

¹ La taxa fundamentala annuala monta 150.00 fr.

² La taxa fundamentala annuala per aclas e tgamonas da tgatscha monta 75.00 fr.

³ La taxa da quantidad per meter cubic dalla retratga d'ava monta 0.80 fr. pro m³ per tot igls bietgs ed implants tatgeas ve d'en chintader.

⁴ La taxa da quantidad per tot igls bietgs ed indrezs tatgeas sainza chintader d'ava monta pauschal 10.00 fr. per onn.

⁵ La taxa da quantidad per meter cubic dalla retratga d'ava monta 0.80 fr. pro m³ per bietgs economics agricols cun chintader. Pro anvernada vign concedia ena reducziun da 20 m³.

⁶ La taxa da quantidad per meter cubic dalla retratga d'ava monta 0.50 fr. pro m³ per menaschis commercials cun en consum d'ava spezialmaintg intensiv cun chintader agl senn d'art. 31 alinea 1 dalla lescha.

IV. Determinaziuns finalas

Art. 5 Vigour

¹ Igl reglamaint preschaint von an vigour per igl 1. da schaner 2018.

^{1bis} La revisiun parziala digl regulativ digls 4 da december 2018 (art. 4 alinea 2, alinea 4 ed alinea 5) aintra an vigour per igl 1. da schaner 2018.


La revisiun parziala digl regulativ digls 19 d'otgover 2021 (art. 4 alinea 1 ed alinea 2) aintra an vigour per igl 1. da schaner 2022.

² Cun l'antrada an vigour da chest regulativ vignan dissolveidas las determinaziuns dad oters decrets tgi stattan an cuntradicziun cun tal.

Igl mastral


Daniel Albertin

Igl scrivant da cumegn


Maurus Engler